

關聖帝君覺世真經

關聖帝君覺世真經

帝君曰：

人生在世，貴盡忠孝節義等事，方於人道無愧，可立身於天地之間。若不盡忠孝節義等事，身雖在世，其心已死，是爲偷生。凡人心即神，神即心，無愧心，無愧神，若是欺心，便是欺神。故君子三畏四知，以慎其獨。勿謂暗室可欺，屋漏可愧，一靜一動，神明鑒察。十目十手，理所必至，況報應昭彰，不爽毫髮。淫爲萬惡首，孝爲百善先。但有逆理，於心有愧者，勿謂有利而行之，凡有合理，於心無愧者，勿謂無利而不行。若負吾教，請試吾刀。

敬天地、禮神明，奉祖先、孝雙親，守王法、重師尊，愛兄弟、信朋友，睦宗族、和鄉親，敬夫婦、教子孫，時行方便，廣積陰德，救難濟急，恤孤憐貧，創修廟宇，印造經文，捨藥施茶，戒殺放生，造橋修路，矜寡拔困，重粟惜福，排難解紛，捐資成美，垂訓教人，冤讎解釋，斗秤公平，親近有德，遠避凶人，隱惡揚善，利物救民，回心向道，改過自新，滿腔仁慈，惡念不存，一切善事，信受奉行，人雖不見，神已早聞，加福增壽，添子益孫，災消病滅，禍患不侵，人物咸寧，吉星照臨，若存惡心，不行善事，淫人妻女，破人婚姻，壞人名節，損人技能，謀人財產，唆人爭訟，損人利己，肥家潤身，咒天怨地，罵雨呵風，謗聖毀賢，滅像欺神，宰殺牛犬，穢溺字紙，呵風，謗聖毀賢，滅像欺恃勢欺善，倚富壓貧，離人骨肉，間人兄弟，不信正道，奸盜邪淫，好尚奢詐，不重勤儉，輕棄五穀

，不報有恩，瞞心昧己，大斗小秤，假立邪教，引
誘愚人，詭說升天，斂物行淫，明瞞暗騙，橫言曲
語，白日咒詛，背地謀害，
不存天理，不順人心，不信報應，引人做惡，不修
片善，行諸惡事，官詞口舌，水火盜賊，惡毒瘟疫
，生敗產蠹，殺身亡家，男盜女淫，近報在身，遠
報子孫，神明鑒察，毫髮不紊，善惡兩途，禍福攸
分，行善福報，作惡禍臨，
我作斯語，願人奉行，言雖淺近，大益身心。戲侮
吾言，斬首分形。有能持誦，消凶聚慶，求子得子
，求壽得壽。富貴功名，皆能有成，凡有所祈，如
意而獲。萬禍雪消，千祥雲集，諸如此福，惟善所
致。吾本無私，惟佑善人，
眾善奉行，毋怠厥志。